

РЕСПУБЛИКА УЗБЕКИСТАН
ГОРОД САМАРКАНД
ОБЩЕСТВО С ОГРАНИЧЕННОЙ
ОТВЕТСТВЕННОСТЬЮ
АУДИТОРСКАЯ ОРГАНИЗАЦИЯ
«KOMIL-ISHONCH»



O'ZBEKISTON
RESPUBLIKASI
SAMARKAND SHAHRI
MAS'ULIYATI CHEKLANGAN
JAMIYAT SHAKLIDAGI
«KOMIL-ISHONCH»
AUDITORLIK TASHKILOTI

140100, г. Самарканд, ул. Махалла "Nurli kelajak", 29 квартал, дом №64, P/c: 20208000503941081001, «Савдогар» Самаркандский филиал, код 00286, ИНН: 202631355, ОКЭД: : 69202, тел: (99891) 520-65-83, 520-64-48, Email: komil-ishonch@bk.ru

«КАТТАҚО'РГ'ОН YOG' MOY»
АЖ раҳбариятига

«КАТТАҚО'РГ'ОН YOG' MOY» АЖнинг 2024 йил учун тузилган молиявий
хисоботини аудиторлик текширувидан ўтказиш натижаларига кўра мустақил
АУДИТОР ХУЛОСАСИ

Фикр

Биз корхонанинг ўз ичига қуйидагиларни олувчи молиявий ҳисоботи аудитини ўтказдик:

- 2024 йил 31 декабрь ҳолатига бўлган Бухгалтерия баланси ҳисоботи;
- кўрсатилган санада тугаган йил учун тузилган Молиявий натижалар тўғрисидаги ҳисобот;
- кўрсатилган санада тугаган йил учун тузилган Хусусий капиталдаги ўзгаришлар тўғрисидаги ҳисобот;
- ҳисоб сиёсати аҳамиятли қоидаларининг қисқача тавсифи ва бошқа изоҳловчи маълумотлар.

Бизнинг фикримизча, илова қилинган молиявий ҳисобот «КАТТАҚО'РГ'ОН YOG' MOY» акционерлик жамиятининг 2024 йил 31 декабрь санасига бўлган молиявий ҳолатини, кўрсатилган санада тугаган йил мобайнидаги унинг молиявий натижалари ҳамда капиталдаги ўзгаришларни барча муҳим жиҳатларда Бухгалтерия ҳисобининг миллий стандартлари (БҲМС)га мувофиқ ҳаққоний акс эттиради.

Фикр билдириш учун асос

Биз аудитни Аудитнинг Халқаро Стандартларига мувофиқ ўтказдик. Ушбу стандартлар молиявий ҳисобот жиддий бузиб кўрсатишларга эга эмаслигига етарли даражадаги ишончга эга бўлишни таъминловчи аудиторлик текширувини режалаштиришни ва ўтказишни тақозо этади.

Мазкур стандартларга кўра бизнинг мажбуриятларимиз “Молиявий ҳисобот аудити учун аудиторнинг масъулияти” номли бўлимда баён қилинган.

Биз аудит жараёнида олган аудиторлик далилларини ўз фикримизни билдиришда асос сифатида таяниш учун етарли деб ҳисоблаймиз.

Мустақиллик

Биз аудит қилинаётган корхонага нисбатан бухгалтерлар учун ахлоқ стандартлари бўйича Халқаро Кенгаш томонидан профессионал бухгалтерлар учун ишлаб чиқилган Ахлоқ кодексига мувофиқ ва «КАТТАҚО'РГ'ОН YOG' MOY» акционерлик жамиятининг молиявий ҳисоботи аудити бўйича ахлоқий талабларга нисбатан мустақил ҳисобланамиз ва мазкур талаблар ҳамда Ахлоқ кодексига тегишли бошқа мажбуриятларни бажардик.

Муҳимлик

Аудит текширилаётган молиявий ҳисобот муҳим бузиб кўрсатишларга эга эмаслиги



юзасидан оқилона ишонч ҳосил қилишга йўналтирилган.

Мухим бузиб кўрсатишлар корхона ходимларининг фаолият давомида амалга оширган ноқонуний ҳаракатлари ва хатоликлари натижасида юзага келиши мумкин.

Мухимлик даражасини аниқлашда биз ўз профессионал мулоҳазаларимиздан келиб чиқиб, шунингдек халқаро амалиётда қўлланилаётган услубиётга асосланиб, корхонанинг 2024 йил учун тузилган молиявий ҳисоботи бўйича муҳимлилик даражасини корхонанинг жами активларига нисбатан 0,1 %, аудиторлик даражасини эса жами солиқ тўловлари сўммасига нисбатан 0,5 % миқдорида белгиладик.

Аудитнинг муҳим саволлари

Аудитнинг муҳим саволлари - булар бизнинг профессионал мулоҳазамизга кўра жорий давр учун тузилган молиявий ҳисобот бўйича муҳим аҳамиятга эга бўлган саволлардир. Мазкур йўналишда биз эътиборимизни корхонанинг активлари, мажбуриятлари, хусусий капитали, даромадлари, харажатлари, солиқ тўловлари, соф зарарини ўрганишга қаратдик ва аудитор ҳисоботида бу борада ўз фикримизни билдирдик.

Бошқа ахборот

Аудитни ўтказиш жараёнида текширилган молиявий ҳисоботлар ўртасида муҳим зиддиятлар бор йўқлигини аниқлаш ва корхонада қонунчиликка риоя қилинишини ўрганиш мақсадида бошқа молиявий ҳамда номолиявий маълумотлар билан танишиб чиқилди ва улар билан молиявий ҳисобот кўрсаткичлари ўртасида муҳим зиддиятлар мавжуд эмаслигига ишонч ҳосил қилинди.

Корхона фаолиятини бошқариш ва молиявий ҳисобот учун раҳбар шахсларнинг масъулияти

Корхона раҳбарияти мазкур молиявий ҳисоботни Бухгалтерия ҳисобининг миллий стандартларига мувофиқ тайёрлаш ва ҳаққоний тақдим этиш, шунингдек фирибгарлик ёки хато туфайли юзага келган муҳим бузиб кўрсатишлардан холи молиявий ҳисоботларни тайёрлаш учун зарур деб ҳисоблайдиган ички назорат тизимини таъминлаш учун жавобгар бўлади.

Бошқарув юклатилган шахслар молиявий ҳисоботни тузиш жараёнида корхона яқин келажақда ўз фаолиятини узлуксиз давом эттира олиши қобилиятини баҳолаши, тегишли ҳолатларда узлуксиз фаолиятга тегишли маълумотларни очиб бериши учун масъул ҳисобланадилар. Бундан корхонани тугатиш, унинг фаолиятини тўхтатиш ёки бу ҳаракатларни амалга оширмасликнинг бошқача ечими топа олмаган ҳолатлар мустасно.

Молиявий ҳисобот аудити учун аудиторнинг масъулияти

Бизнинг мақсадимиз аудит қилинаётган молиявий ҳисобот ножўя ҳаракатлар ва хатолар таъсиридаги муҳим бузиб кўрсатишлардан холи эканлигига оқилона ишонч ҳосил қилиш ва ўз фикримиз баён этилган аудиторлик хулосасини эълон қилишдан иборат.

Оқилона ишонч ишончнинг юқори даражаси бўлсада, АХСларига мувофиқ ўтказилган аудит молиявий ҳисоботда мавжуд бўлган муҳим бузиб кўрсатишларни барчасини аниқлаш имконини бермайди.

Бузиб кўрсатишлар алоҳида ёки жамлама ҳолда мазкур молиявий ҳисобот асосида фойдаланувчиларни иқтисодий қарор қабул қилишларига таъсир кўрсатса ножўя ҳаракатлар натижаси деб қаралади ва муҳим бўлиб ҳисобланади.

Аудиторлик текширувини ўтказишнинг барча жараёнларида биз АХС га мувофиқ профессионал мулоҳазани қўллаган ва профессионал скептицизмни сақлаган ҳолда ҳаракат қилдик.

Аудиторлик текшируви жараёнида биз қуйидагиларни бажардик:

- корхона масъул шахсларининг номақбул ҳаракатлари ва хатолари таъсирида молиявий ҳисоботда бузиб кўрсатишларнинг мавжудлиги rischi даражаси аниқланди;
- аудит таомилларини белгилаш мақсадида корхонадаги ички назорат тизими тўғрисида тушунчага эга бўлинди;
- корхонанинг ҳисоб сиёсати ўрганиб чиқилди ва уни корхона фаолиятига мос келишлик даражасига баҳо берилди;
- корхона фаолиятини узлуксизлиги борасидаги раҳбар шахсларнинг баҳоларининг



хақиқатга мос келишлиги тўғрисида хулоса қилинди;

- текширилаётган молиявий ҳисобот бўйича фикр билдириш учун етарли аудиторлик далиллари йиғилганлик даражаси ўрганилди.

- молиявий ҳисобот, унинг таркиби ва мазмуни тўғрисида олинган маълумотларга умумий баҳо берилди ҳамда унинг ҳаққоний тақдим қилинганлик даражасига фикр билдирилди.

Бундан ташқари аудиторлик ёзма ахборотида корхона раҳбариятига корхонадаги мавжуд ҳисоб ва назорат тизимини янада такомиллаштириш борасидаги фикрларимизни баён қилдик ва корхона молиявий ҳолати таҳлили бўйича амалга оширган ҳисоб китобларимизни тақдим этдик.


Баймурадов Х. В.

Директор, Аудитор,
Малака сертификати № 05405,
амал қилиш муддати:муддатсиз.



Аудиторлик ташкилотининг манзили:

141100, Самарқанд шаҳри, Кўксарой майдони 1 уй,

Аудиторлик ташкилоти 2021 йил 8 июнда

Ўзбекистон Республикаси Иқтисодиёт

ва Молия Вазирлиги реестрига киритиш

тартиб рақами ва санаси - № 38, 08.06.2021,

Хулоса тузилган сана:

2025 йил «29» май

Аудиторлик хулосасини қайд рақами - № КЁ- 10